

忠菴集 卷一

一十

~ 16  
2342  
1





詩云金玉其相追琢其章吾聞其語矣未  
見其人矣千載之下東方有名世者出篤  
論之士以為庶幾焉非耶其人為誰思菴  
先生故相朴公是也曰先生何如先生忠  
州人父為壯元名士叔父訥齋公以己卯  
士流文望俯一世其家世淵源有如此者  
花潭以理學倡松都先生游其門得聞性  
理之說精深透悟同學者莫之先其聞道  
有如此者奸兇構禍士林魚肉餘黨盤據



國是未定先生孤忠奮發至誠回天陰  
曠掃除朝廷清明其直節有如此者退溪  
常曰朴某如一條清水對之覺精神頓爽  
李栗谷成牛溪深相契許皆推為當今人  
物第一其見重於儒林有如此者前後  
卒使之來先生擯接無不悅其儀度重其  
文章以為宋人物唐詩調其見慕於中國  
有如此者座無雜賓門絕苞苴俸祿盡班  
親戚之貧者故舊書問但修起居之禮冰

蘄之操始終亡變其廉潔有如此者蚤魁  
賢科狎主詞盟人傳一篇為膾炙見有  
寸長譽不容口汲引人材猶恐或遺其好  
士惜才有如此者輔相十年正色立朝士  
林仰如山斗九重倚以為毗宣廟下教  
曰朴某松筠節操水月精神其君臣之際  
有如此者以賢邪進退為憂以國家安危  
為念正言直對群陰破碎其嚴於是非善  
惡之辨有如此者知道之不行言之不用



脫屣軒冕萬鍾一芥其恬退有如母者此  
舉朝之所共見與僮媪孺之所誦言非一  
人一口阿所好者也嗚呼先生可謂天地  
之間氣國家之瓌寶士林之宗匠文章特  
其餘事耳何足為先生輕重哉雖然古人  
有言文故愛之故傳不佞自幼居先生之  
里望先生之儀表知先生之行事心欣然  
慕之所願為執鞭者先生歿五十六年遺  
集未行重經兵燹散軼幾盡不佞恒為之

慨然先生宅相李君澤有子曰文望兄弟  
繼先人遺志謀鋟梓欲壽其傳尚序於不  
佞不佞老且病久謝筆研而竊效附驥之  
願遂不辭而叙之丙戌孟冬安東金尚憲  
序





思菴先生詩集卷之一

五言絕句

贈香林僧二首

花宮近城市雲路帶塵囂  
迎送幾多客禪心恒寂寥  
本欲遺塵境餐芝卧白雲  
如何臨曉鏡鬢髮雪紛紛

奉審 康陵有感

喬陵重洒淚松柏已蒼煙  
翠露亭前夢依然更杳然

修改 孝陵有感

蒼生思二 聖石馬守空丘野  
草無情極蕭瑟又送

秋



清安縣三首 灾傷御史時作

淡々空階月蕭々落木天小池雙白鴨閑傍破荷眠  
兀坐初寒夜孤燈旅館幽蒼々池上月添却敗荷愁  
晨霜厚如雪木葉競飄颻客况途中久鄉關夢裡遙

落葉

生成有深淺零落自差池方知一元盡群動亦如斯

冷然臺 時在龍山

獨立浮雲外蒼々只見天還嫌旬日促長自倚冷然

招鶴臺

閑招天上鶴飛度暮雲長我欲騎其背飄々謁紫皇

題僧軸五首

獨卧蓬蒿暗渠來意味增此身如白傳方外友多僧  
海上山如畫天邊鴈自迴恨無烟霧質頭白尚低徊  
亂雲多斷續寒月少光輝歲暮堪孤卧僧來扣竹扉  
知有歸山路浮生自不休從來碧雲思歲晚更悠悠  
旻公元好事支遁自多才應為憐我病遙尋草徑來

偶吟

春江綠浪平雨洗青山淨百慮坐悠悠唯宜理煙艇

江上

獨坐林間淨長吟野望時江平帆去濶山迥鳥歸遲



春燕二首

春燕復春燕年々自得歸主人思未畢還向舊巢飛  
社日春來暖并泥雨後香捲簾今亦好容易入雕梁

家鶴

久鏃羽猶白恒飢頂更紅飄々天外意蓋逐祝鷄翁

贈守真比丘二首

跡非栖遁客身寄水雲村徑草僧來拂漁舸鶴踏翻  
月白安禪石花明乞食村往來渠自老灰劫世頻翻

客至

村市酒偏濁勸君聊一盃幽居誠簡畧敢望客重來

養鷄戲題

肯縛賣於市養渠從啄虫昔為栖鳳客今作祝鷄翁

口號

世路多泥濘歸眠一塢雲焉能隨衆口嗟咄舌如焚

次李秀才宗厚韻

峽裡今關雨留君宿樊廬可堪謀一醉猶有舊金魚

地多虎豹戲題二首

山深多猛獸常理不須嗔已去人間遠寧辭虎穴隣  
疾見夜如晝威加百獸群林深足妖怪恠憑汝肅山門

題小畫



石戴草亭迥江天睡望通問渠誰作伴僧渡小橋中

追憶

翠露亭在景福後苑明廟嘗於九月出御引書堂官負講書作詩賞給有加親執青鍾滿酌以飲之皆送醉日暮罷出各賜白蠟大燭使東還家觀者榮之倏忽已踰三紀泣然

翠露亭中夢依三  
四十年唯餘無限淚獨卧五峯烟

感興

明沙帶芳草蒼石間登灣緩步唯隨意無人覺往還

客至

屋裡無餘物山中只見雲深慙對佳客終日但論文

感興

鹿糲從村飯茅茨倚石根山家門閉早豺虎傍黃昏

白雲山一元長老遺以二果錄此答之二首

手採海松子頰虬卵亦無物來人不到遙謝白雲尖

十五斷拘孳冥心修白業何嫌赤洒三猶勝世沉陸

有感

卧病年芳改空山雨雪濛猶餘憂國淚沾洒閉門中

謝尹上舍二首

何須魏玉種誰愛鷓冠壺素是千金直提携到老夫

右謝瓢

秋田今缺種懸蒼苔難資滿斛煩相送黃雲見有期



右謝粟

斷髮嶺

聖路緣青壁仙山對玉梳  
我來空吊古龍去萬峯愁  
宿向化人家

白頭山北住青海月中人  
問汝南來意胡沙不見春

題瘦馬圖

突兀三山聳蕭條萬里姿  
如逢程天子猶可舞瑤池

贈僧

未識山中景春光問大師  
好花開已遍唯恨客來遲

贈太能上人

宵々復冥々此心無一物  
從渠問所能狗舐油鑪熱

贈朴公漢愈

我髮初成雪君顏已失春  
相從期不遠歸作耦耕人

題永平溪石上

路隱千重石身隨一片雲  
還嫌歸計晚白首始離群

性行詩卷中次石川韻

騎牛過溪去溪水靜中喧  
宿霧猶藏柳炊烟未起村

黃知事携酒而過

載酒勞京尹誅茅愧地偏  
前灘秋雨後水及錦鞍韉

偶吟 以下少時作



魯野憐將去周山鳳不來文章嗟已矣天地獨徘徊

早梅

一陣清芬淨千秋老影奇中宵水澗側唯有素娥知

江上

江上平臺迴風吹好月來不勞供洒掃隨意步蒼苔

偶吟

卷箔看晴景巡簷步落花蒼山臨野水落日滿漁家

思菴先生詩集卷之二

七言絕句

送李叔獻珥還舊隱二首

悠悠此恨杳無垠夙志知非在隱淪寂寞首陽山外  
路杏花芳草數家春

因循不去鬢成絲淺薄將何補 聖時遙想錦川多

釣伴桃花春水倍相思

次宋直長大立韻二首

名暫羶香道反窮已拚身外事皆空欲知歲晚心期  
在者取蒼、卧壑松



歲暮蕭條閉戶深  
雪埋庭草夜寒侵  
朱門獸火回春  
暖豈動袁生獨卧心

再疊前韻

城下茅茨古巷深  
青山當戶夕嵐侵  
風塵傲吏無人  
識柱笏悠、萬里心  
懷賢日夕思無窮  
世事茫、問太空  
有道未宜棲壑  
畝萬牛誰挽棟梁松  
時叔獻浩原皆不起

贈堅上人

久沐恩波役此心  
曉鷄聲裡戴朝簪  
江南野屋今蒸  
沒却倩山僧護竹林

送友人歸懸燈山

鷄虫得失雲千變  
風火生涯夢一般  
香、獨尋山路  
去滿衣秋葉石床寒

送鄭季涵澈南歸

千竿脩竹小柴門  
無等山前是舊村  
歸去想應春未  
罷免教芳草怨王孫

雪後自湖堂乘雪馬下漢江水

風掃重雲月滿空  
孤槎直渡冷光中  
身遊野馬塵埃  
外銀漢迢、路不窮

松京次韻



勝國春來客又過黃橋立馬意如何鹿遊廢苑花猶  
發雀噪空宮日自斜

感遇

姮娥竊藥身飛去萬古不還坐明月應憐歌舞紫宮  
女朱顏綠髮髮時歇

贈僧二首

文字元為紙上塵況於文字亦迷真誰將貝葉書翻  
譯才失毫釐更誤人

中和之道本無頗方便渠家只自邪打坐一生誰了  
性却憐當日誤拈花

寄楊安邊士彥二首 以善政陞堂上

一片閑雲偶出山六期官况鬢毛斑他年更入蓬萊  
路猿鶴應驚被錦還

有俸真堪辦買山白頭猶強赴朝班江村正足黃梅  
雨佳節雖來客未還 自叙

贈化主僧

手裡嘗携勸善文旨龔隨處動成群從來造業非由  
外只合收心卧白雲

送鄭秀才雲龍南還

風塵多少好男兒誰免勞心逐物移香獨尋山路



去萬株松下一茅茨

寄南中友人

京洛風塵寄足難  
海隅歸去草蓬寒  
北山薇蕨南江水  
我亦從君與共餐

贈六浩上人 在韓山作

郡齋終日對青山  
鈴索無聲老守閑  
細雨催開花幾朵  
朱朱白白為吾顏

再疊前韻又贈浩師 還京後作

萬里滄波萬疊山  
野僧歸卧白雲閑  
休誇蓬海看三淺  
能學無生勝駐顏

題伽耶琴

一陣歸鴻十二絃  
弄琴人去已千年  
如今但愛遺音妙  
仙意冥冥世不傳

送曹俊龍雲伯還舊山二首

亂峯深處小茅茨  
葺舊業還無伏臘資  
馬上只携詩卷去  
綠羅明月是佳期

達人舒卷本無蹤  
石暈烟霞更拄筇  
山果到秋紅黑熟  
入林收拾共狙公

贈奏請使金重晦繼輝

鴨綠江邊秋月新  
盧龍塞上遠征人  
孤忠自許秦庭



哭策馬都忘萬里身

雙松

江河凍合朔風唳蕭索千林葉已塵恠汝蒼子雙老  
樹每逢霜雪色逾新

盆菊

數莖黃紫妬嬋娟冷藥輕含露氣鮮落葉滿庭佳節  
過尚留餘馥度霜天

送李涵出按湖南二首

南望千山復萬山憐君歸路在其間遥知瘴雨孤燈  
昨夜思千重度漢關

推擠不去尚因循歲々年々一病身暖氣又催春次  
茅愁中着到有花新

題畫

翁笠簑衣捲釣絲蓀花秋水雨霏々還嫌尚父曾多  
事一下漁磯便不歸

送左尹鄭公赴京二首

邊雪蒼茫歲暮天折津西去路三千向來知己非今  
日不待臨歧贈馬鞭

風沙何處笑顏開客裡辛盤歲又來朝罷紫微春色已  
晚落花飛送馬蹄迴



送朴監司漸赴海西

手持金節向天涯二十城池際海波今日送君難制  
淚道情還淺俗情多

秋月翠壁 挽仰亭三十詠為宋四宰純述

鐵作蒼崖立半天層城雲日望依然他年倘得從公  
後萬丈丹梯尚可緣

龍歸晚雲

數點螺鬟忽有無美晴披拂態偏殊高嶺落日濃還  
淡寫作西山晚色圖

夢仙蒼松

縹緲層巒綺戶前萬株蒼鬢拂雲烟人間濯熱知何  
處卧聽濤聲落半天

佛臺落照

歛紅輪欲半沉明霞如綺抹層岑遙知古寺行人  
斷獨閉松門萬壑陰

魚登暮雨

雨遮山色已成吞活畫遙看水墨渾欲賦晚涼吟未  
盡忽催雲物作黃昏

湧珠奇峯

愛山常自早寒簾逸勢微茫對畫蒼萬古不隨塵土



沒倚天剛耿聳雙尖

錦城香靄

微茫遠色眼窮邊濃淡昏明態不專  
竟日難看真面目玉簪鵬味只依然

瑞石晴嵐

林表遙窺石勢雄蒸嵐飄散晴空久  
停醉筆頻回首更待斜陽染淡紅

金城古跡

石廓周遭半已頽一溪流水自縈迴  
為披榛莽尋千古欲向胡僧問劫灰

甕巖孤標

杳々孤撐望曉遙建標天地衆山朝  
人間仰止應無數袖拂星辰久寂寥

大秋樵歌

歌聲互答碧山晨帶索腰鑿幾戶人  
憂樂一生都在此那知世有蠟為薪

木山漁笛

明沙錦石碧玲瓏長帶漁郎一笛風  
卷釣歸來烟水晚數聲閑弄夕陽中

石佛踈鍾



翠微蕭寺近諸天時送鍾聲出暝烟亭上詩翁長發  
省燒香宴坐當遙禪

漆川歸鴈

萬里數々幾陣歸江南地暖雪霜微橫拖碧落三秋  
色野外聯翩下晚暉

穴浦曉霧

浦口朝々白霧深幾家松竹入平沈閑看大塊蒸燈  
燼却笑公超在費心

通心脩竹

湧山蒼翠拂雲端長道幽軒挹晚寒不待辟強園裡

種卧看千畝舞琅玕

山城早角

一曲風飄畫角清滿庭山月照殘更丁寧迥弄寒烟  
外長作幽人愛裡聲

二川秋月

忽驚青女洗秋天月色平分滿二川幾曲寒灘金瑣  
碎碧霄唯見一輪圓

七曲春花

雨濯春粧七曲齊稠花亂蘂使人迷始知紅白還多  
事惱殺閑心費品題



松林細送

清陰滿路葉成茵不許家童為掃塵  
藜杖獨行明月夜鶴翻涼露浥衣巾

竹谷清風

剩送清涼灑靜便不勞紈扇御炎天  
小軒自見蚊蠅斷獨倚烏皮露頂眠

平郊霽雪

吐雪平埋一望遥瓊瑤光眩眼花搖  
閑披鶴氅吟清景肯學袁安卧寂寥

遠樹炊烟

亭前野色幾朝昏樹抄炊烟遠近村  
耕鑿邇來多按堵遐荒亦帶太平痕

曠野黃稻

千頃黃雲稅種秋西風吹惡動颼颼  
將身晚結鷄豚社喜看三農績已收

極浦平沙

渺、連空白雪平雨湔風勒轉鮮明  
暮年漁釣餘閑脚樂放高蹤聽軟聲

前溪小橋

觸目堪憐各有姿小橋橫跨碧澗漪  
漁樵往返知多



少能解閑行屬阿誰

後林幽鳥

長松脩竹綠陰深留得參差好鳥吟  
葉密不知毛羽怪近人終日送清音

清波澁魚

游鱗撥刺自分群  
渌淨時、皺鏡文千載濠梁同意  
味臨流莞爾幾朝曛

沙頭眠鷺

雲錦平鋪幾曲川  
閑寧一足夕陽邊  
啣魚已倦機心靜却傍灘聲睡正圓

澗曲紅蓼

簇、閑紅水蓼秋封  
姨多事染初稠  
還添澗曲蕭條景恐助幽人歲暮愁

漫成二首 癸未八月在龍山江舍

獨立江皋夜悄然  
晴沙如雪水如天  
冲襟香、誰相伴雲破秋空月自圓

已知浮世事悠、達者曾無喜與憂  
明月滿空秋水碧白鷗聲裡倚江樓

移寓坡村二首

坡村移寓轉蕭然  
旅况還同蟋蟀遷  
強把濁醪酬令



節滿郊涼雨菊花天

寒落僑居一病身忽逢佳節倍傷神無錢可辦黃花  
酒獨倚高崗望北辰 是日登家北高丘望兩關適

無酒故云

題短琴

嶧山誰採鳳凰枝雷斧餘痕斷更奇休恨賞音人已  
逝照襟明月即鐘期

在江舍偶成

丹霄一別卧西垆秋月傷心缺又盈夢裡分明瞻日  
表覺來幽獨聽江聲

題雙翠堂

一雙歌蓋老軒昂萬木榮時自混光歲暮北風吹地  
裂請君來此看蒼

秋夜口號

四壁虫聲獨掩門初晴苦雨散重雲青冥萬里渾依  
舊秋月多情照十分

送張佐郎雲翼赴京

蒼疾纒瘳戒曉裝蒹衣秋雨出城忙那堪回首遙相  
望萬里路長情更長

有感二首 癸未年作



元戎空望白頭山  
虜騎秋窺青海關  
坐使邊民為野骨  
根無飛將縛侯猻

屢邀繒帛講和戎  
尚使邊憂軫  
聖衷三道轉輸今

二載狼山誰肯勒元功

自文

寶巖山 在永平

山名寶巖生何寶巖  
下居僧只苦飢恐有玄珠遺富媪  
今無罔象世誰知

佛頂山

佛骨已無餘佛頂尚看天  
半立崔嵬秋風不管渠家  
事吹作詩邊錦繡堆

畫魚

心雄自許群龍匹  
歲老鱗生五綵文  
騰躍便從天路去  
朝扶日上紅雲

丹陽道中二首 此以下災傷御史時作

盡日行穿石磴幽  
青巖疊水悠悠  
江山有意元相待  
我輩如何不自休

數家村塢自荒寒  
官稅輸歸活計單  
白首未曾經一飽  
朱門厭棄萬錢餐

曉行

白霧平沉洞壑間  
終朝不得見孱顏  
纔分咫尺驕前



思卷二  
路失却東來三兩山

清風寒碧樓二首

客心孤迥自生愁  
坐聽江聲不下樓  
明日又登官路去  
白雲紅樹為誰秋

日落寒江生白烟  
擁樓山色更蒼然  
半輪已掛秋空月  
不用紅紗照坐邊

德山贈方伯申令公二首

風緊雲輕欲暮天  
孤城百雉小如舡  
驚人只有皇華句  
老氣堂前拂紫烟

山海蒼茫歲暮天  
醉眠空館似乘舡  
明朝馬上相思

慶雙袖猶薰錦燭烟

途中

秋色蒼茫五十州  
水村山郭白雲浮  
行厨處處呈官饌  
紫蠟香檠落筋頭

保寧途中

蕭條民戶倚孤城  
鈴牒常稀吏職清  
倦客晝眠官舍冷  
蕭庭霜葉夕陽明

落花巖

花落江流迹未刪  
冷雲殘照鎖層巒  
三千歌舞金宮女  
木底魚龍亦識顏



鴻山途中

滿壑蕭蕭風雨秋寒泉落木自成愁雲中時見招提  
境不借浮生半日遊

鎮岑見菊

古縣蕭條草樹荒眼青軒下數叢香仍思故圃雙盆  
菊秋盡無人護夜霜

鎮岑丹楓

好事何人解植楓一張紅錦小軒東仍思九日丹陽  
道盡日行穿繡纈中

文義夜坐

清夜漫漫客况涼高燒紅燭坐華堂征袍尚帶烟霞  
氣只是行穿山水鄉

懷仁道中三首

逐門微暎暗秋蓬籬落蕭條返照紅鬼斫生柴翁刈  
粟一生憂樂此山中

盡日蕭蕭皂櫂風石田茅屋亂山中朝家幾日收強  
富藜藿曾無飽野翁

山如錦障水如絛土沃泉甘境亦寬欲剪白茅成小  
築唯愁縣吏夜敲關

清州道中



州人迎候野畦邊白幕含風俯小川一案淡餐三盞  
酒仰看斜日促征鞭

清安見同年朴見龍

旅館孤燈坐悄然寒砧野犬響相連若非狎客排闥  
入霜月寥々照獨眠

直銀臺次同僚韻二首

顛倒衣裳趁早衙禁鍾長帶曉星搨東風吹老池塘  
草鑿宿深嗟負歲華

銀臺通籍髮霜妍卧聽靈虬刻漏傳衣上二年湖海  
雨再遊丹禁愧群仙適韓山未久故云

有感 癸未年在門外作

鷄人唱罷漏聲終袍笏趨朝與衆同五色雲中雙闕  
曉列公班裡一漁翁

次休正上人韻

長擬歸耕猶未去幾回持笏聽朝鷄遙知洞裡舊公  
子一讀南華萬物齊

有感

慈闕傷時淚自潛思波深處死猶安從來進退唯循  
命落日悠々倚碧灣

贈洛山寺僧



洛山奇勝在清晨今聽山僧語動人萬里赤波漫碧  
落石靈扶出火輪新

贈石陽正

素練蕭蕭風雨鳴一飛秋兔萬人驚想應雪竹為肝  
肺能寫其生又寫聲

江亭口號二首

乾坤納水茫茫卧疾蹉跎久繫航一掉飄然他日  
意欲隨漁父濯滄浪

佳期已與釣翁謀擬把金貂買小舟霜鬢綠蓑從此  
去料應吾道在滄洲

鄉儒趙生南還贈之以詩

難將潦倒強朝叅懶計區只自諳寄語故山猿鶴  
道在梅未落下江南

贈金奉事從虎

時以飲餞被論罷歸

憐君自是飲中仙頭上朝簪亦偶然日給三升無骨  
相未如歸當酒家眠

送奇萬戶孝謹赴鎮三首

白羽雕弓身九尺朔雲邊雪路三千行間豈久留飛  
將虎穴收功在此年

胡霜晝結黃沙磧漢月宵臨青海關逆氣數年吹北



塞誰能生縛鬼章還

思親淚下關山笛報主身輕矢石場忠孝兩全知有  
處平胡衣錦好還鄉

養鶴一隻悲其陸沉今秋不使剪羽六翮已壯  
有時飛騰即還來因感而賦之

為憐塵土住飛仙秋後雙翎養得全莫為稻粱低飲  
啄長風令待更冲天

友生李上舍崇慶少奴學笛成才又使耘田奴  
遂逸去聞而賦之

布穀落梅俱可愛把鋤橫笛不憚兼癡奴只慣拈哀

王還怕春泥汚指尖

賈生

三章縱啓太平基天下餘憂予獨知痛哭漢家金盛  
日可憐誰信是傷時

讀書有感

嗟子群動苦喧闐道喪誰能更斡旋從古聖賢皆白  
骨只留糟粕在青編

贈熙浩上人三首

玄渾悠々世自閑白沙猿鶴變人寰山僧已慣看灰  
劫獨卧白雲無苦顏



塵吹群動日交爭  
白社高居隱翠屏  
澗水松風聲合處  
一筇歸去路冥冥

不覺流光病裡遷  
春江米盡水如天  
高僧應怪龍山叟  
歸時生衣又一年

有感

洛城寒食雪初盡  
南國桃花錦浪春  
抗疏乞骸歸尚懶  
綠蕪兩夢中身

贈宋評事二首

衣上猶棲燕塞塵  
天涯又向北  
傾春男兒看處唯忠  
膽餘事紛付世人

朝拜瑤墀出鳳城  
書生此日解論兵  
承恩更踏玄關北  
青海天山亦舊情

贈玉上人二首

手挑山菜遠來遺  
松絡籠頭帶木皮  
野犬狺狺紛吠怪  
謝渠勤苦訪寒溪

萬峯新削玉連妍  
洞裡長留不死仙  
若見麻衣舊公子  
為言松岳亦寒烟

贈辯師

卧疾昏々詩總廢  
不知春柳已遮門  
案頭枯筆塵生久  
逢着山僧為一援



追憶故老因辨師寄示

昨逢太白山中老高頰伏犀知出群聽法論詩情爛  
熳只憐無計駐孤雲

偶吟

題詩寄與祇林客物外光陰爾自娛為問山花開早  
晚老夫乘興欲提壺

題鯉魚簇

天容海色蒼茫外紫氣銀山盪漾來從此奮飛攀日  
馭肯為魚服久低推

送李生廷立歸廣陵

洛社賞花絲管沸幽人獨憶舊村廬春郊馬踏芳菲  
去袖有羲文數卷書

觀女兒弄花戲題

女兒聰慧纔離乳愛著朱裳只戲嬉笑摘海棠花一  
點自塗嬌額比胭脂

蛇子

未知蛇子何情性口腹唯憑一葉舩還笑世人平地  
溺奉家兒女狎鯨濤

叢祠 在龍山

野巫村叟走聯翩古廟塵籠畫壁穿酒肉已陳歌舞



散殘餘還使聞烏鶯

出寓江舍三首

郊扉遠帶白蘋洲散地承恩得自由海送暮潮山

吐月金波平處學操舟

幽期已與釣翁謀解却金貂典小舟從此一簑隨白

鳥不妨吾道寄滄洲

鏡裡蹉跎齒髮非心如倦翮只思歸移柁野外柴門

迥百草春來已合圍

春日漫興四首

杜陵耽酒苦無錢率府逍遙為醉眠顧我尚能霑賜

俸如何春去獨醒邊

無數桃花着處穠人扶醉答春風吾今老懶唯思

睡遮莫深紅映淺紅

飛絮殘花又送青自憐多病久伶仃君恩未許歸

蓬蓽且作江邊老客星

蝶咽蜂喧花正燃滿城歌吹趁春天從來最可嘲揚

子閉戶寒獨尚玄

肅謝後有感

青雲班裡偃僂入白玉墀前老瘦容自愧此身如倦

鳥短書今更乞歸農



還江舍二首

老病人扶八九關白頭毛短戴簪艱含悽更覺張公  
子焚却銀魚卧碧山

海棠花白雨濛濛臨水踈籬暮色中朝罷紫微郊路  
晚肩輿還送綠囊翁

贈天然上人

看渠毛骨老巖居一片形骸萬劫餘試問空花散何  
處未如還學舊詩書 師嘗學儒書故云

榴花

交秋梅雨紀懸賓田者東君迹已陳一樹絳英憐太

晚後時寒落為誰春

初夏

莫嗟紅素委沙塵光景還隨物候新已見綠陰交赤  
帝更教黃鳥弄清晨

示外甥永年 此兒嘗作白髮詩故第二句及之

憐渠頭角尚髫年乃舅還驚白髮篇聞道邇來稱宅  
相未應多讓魏舒賢

天然師寄詩

兩首新詩寄病翁碧雲幽思彩牋中殷勤舊好情雖  
在還怕房公誤貧公 貧公唐時名僧與房琯交及



瑄罷相出外贊公謫秦州

贈天然近思錄

學道階除自有初高才亦誤墮空虛三乘演法非真  
訣四子微言是聖書

竹林畫翎毛

枝頭雙睡又雙依妙刮玄關造化微每到展看先掩  
戶只愁因此便驚飛

嶰谷清風

鞭走蒼巖老幾竿肯容塵土污琅玕何須更截伶倫  
曲留與蕭子叩玉寒

瀟湘夜雨

蒼梧日落愁雲合楚雨蕭蕭到夜分竹上更添無限  
淚重瞳何處有孤墳

贈守真比丘

多病來栖漢水濱滿蹊芳草隔人群常思瀑布庵中  
老唯見山頭一片雲

有感

聞道江南麥失秋東尋山水亦悠悠人生正似浮江  
木盡日縱橫不自由

肅拜後口號



思齋二  
此翁今始解朝衫鳥出雕籠馬脫銜寄語東山猿鶴  
道江楓未落掛孤帆

尹都事時忱惠西泝詩以謝之

爛熟西風氣味增紫肌紅子露新凝故人珍重遙相  
贈自把金刀割月稜

有感 癸未年

龍榜曾參夢一人鳳池終忝上台臣如何又見魁奸  
黨自恠光華萃此身

卜居四首

抱病風塵歲幾徂低徊已到白鬚鬢山中此去披蓁

弄人笑先生老更愚

城市山林路已分向來哀樂夢紛紛等閑自笑浮生  
事着盡金貂卧白雲

東去行裝只一鐙少陵身後又思菴掃除白髮黃精  
在好向秋山劖翠嵐

牛頭川上客乘閑空翠千重屋一間農圃向來嗟未  
學白頭良苦劖荒山

送金秀才歸洛三首

山如畫障水如羅已約移家度歲華此去莫嫌雲路  
黑遠來相伴種桃花



蒼松陰下綠潭隈相送殷勤意不裁採藥亦堪留酒  
價請君須及菊花來

自喜餘生得靜便青山應不厭華顛茅簷月散踈松  
影卧聽巖間滴夜泉

歌姬

愧我曾無錦一端漫勞哀曲玉珊珊園桃幸饋佳人  
實酸澁還教感遠山

有感三首

月弦西陸蛩催咽秋冷空樑燕輟依漢上老翁猶卧  
病漫教歸楫已生衣

鵬鷄逍遙俱足矣鷄虫得失兩忘之秋田已獲歸休  
懶正是山中酒熟時

德公劉表是誰安蚊睫天池各自寬馬首秋山如待  
我尖頭遙着白雲冠

讀嵇中散絕交論有感二首

叔夜曾無軒冕意山公亦愛棟梁材作書珍重明初  
眼不是賣渠為我媒

薄俗紛々雲雨手朝為膠漆暮干戈風塵造次心腸  
改聲利前頭愧恥多

答友人書



思菴二  
二十四  
故人問我東歸意自許浮生看處家只為白雲山月  
去石田秋穫未應多

監司使察訪陪行

孤雲獨鳥秋山裡此去何煩使者陪却恐武陵原上  
客便驚相引世人來

途中

橫天點點秋山瘦照眼叢叢露菊<sub>花</sub>到此君思如  
許火更將瑤水洗塵顏

樂歸亭

樂歸秋冷鎖蒼烟唯有頭龜獨坐禪十里澄灣千疊

翠謝君翰與老夫專

次李進士春英韻

十二瓊峯擁作屏龍蟠潭古水偏腥三農正迫愁焦  
土一卧何心久秘靈

書贈尹秀才滂元二首

天與其能終不廢讀書餘藝妙<sub>技</sub>黃耒尋馬鬣淵頭  
老我已相忘左肘揚

來遺絳幘縛誰雄意切司晨任喙虫自笑枉為栖鳳  
客不嫌今作祝鷄翁

蒼玉屏



帝剪昆丘千文骨百靈奔走費雕剜免倒插免雷鼉  
窟還使思菴出世音

食燒芋

歲暮雪花吹白屋瓊瑤錯莫照林巖淺斟不待羔兒  
酒灰裡蹲鴟亦解寒

歲朝

人間臘罷逢元日褰服豐羞著處新自笑山翁難逐  
衆濁醪鹿飯荅佳辰

白鷓圖

孤飛萬里知無敵粉墨唯餘舊典刑歲晏荒郊孤兔

叫却嗟真骨久真三

謝工部尹叅判根壽惠昭格署福酒

三清仙子寄耶筒玉醴分張滿眼濃雨雪蕭三春尚  
早先料一飲對寒松

贈金生

賣馬貨書歸白雲此心良苦自無群他年落筆丹墀  
下萬字雄辭荅 聖君

奉酬芝川黃先生二首

村醪就熟春方嫩野老無營意自閑欲討巖花開盛  
處步隨東澗到南山



思卷二  
二十五  
千峯罷雪渾新態百鳥迎暄總好音聞道尚書今解  
印一樽相待為脩琴

戲題

金榜昔參為第一  
秦階還忝許唐歌  
今來又管東溪月  
笑問思華較孰多

題三釜瀑泉

石崖高畏日車翻  
三釜飛流萬壑奔  
吁駭始知無比並  
玉虹銀漢亦徒言

禾積澗

穿石入雲龍矯矯  
危灘出峽雪層層  
百雷躍下馮夷

密菁巢澤膏萬丈澄

宿村窩

暮尋細路荒山裡  
繞舍平田麥浪生  
却與高胡相伴宿  
耳頰群馬齒齧聲

水洞途中

溪水泠泠送出山  
雙林宿客下雲端  
東君物色交南帝  
挾路花枝拂馬鞍

李直長義健溪亭

路入田間纔過馬  
草亭傾側夕陽紅  
王孫未到春先去  
花落釣臺潭影空



余自禾積淵到白雲山杜鵑花已衰山榴未發  
及歸樊廬躑躅方盛戲題

幽討名山凌絕境晚花猶澁早花飛東溪躑躅新成  
錦應慰先生減興歸

龍化山途中

載酒拖書行自遠纔過脩峽又重崗幽蹊盡日無人  
會隨意巖花澗草香

次李秀才景晉韻

門巷萋萋野草青好將心跡入沉冥何嫌舉世無相  
問玉瀨聲中對赤城

贈僧

庭空白髮人欹枕門掩黃梅雨滿山獨有高僧要入  
杜更無非意事相關

西谷賞木蓮

八谷崎嶇路轉斜雲間來把木蓮花紛々謾向淤泥  
玩爭似芳根托翠崖

偶吟

野老相邀挈瓦瓶坐因芳豈聽溪聲此身飲罷歸何  
處月入茅簷一榻平

題能引詩軸善奕



道機已熟還多技，秋奕風流爾更耽。一局縱橫山色裡，却勝寥落羣端叅。

亭臺溪巖皆有名，號刻石其上因感而賦之。  
鏤字巖阿勞費日，擬持悠久與天期。堪嗟一瞬隨灰劫，川教山湮後孰知。

贈尹上舍勲

山逕蕭蕭生百草，每勞鞍馬到巖扉。盈壺玉露隨蕪味，能解先生菜糲圍。

鍾賢山

未識曾生賢，幾許青巒高。截白雲，兼江南野老今來。

卧唯祝燒香寂粟豐

富有山

崑山積玉未言富，蟻垤今嗟此號訛。聞道易盈唯小器，固知渠有也無多。

觀音山

通神自化身，千億來作螺鬟一點青。昨夜秋山開繡纈，笑渠粧洗學姍姍。

金烏山

想是飛來從月窟，自窳僧味拂雲高。唯嫌久戢金剛翅，何日看渠劈海濤。



國望山

雲外岵峽石幾叢象山還似蟻分封孤禁絕頂思君  
處落日悠々更倚筇

贈懶融比丘三首

書學右軍親點畫心傳六祖淨塵根惜渠英妙還違  
世好作千重雲水身

翠壁澄潭相映處烏巾白髮坐垂綸休嫌野老無隣  
並自有敲門月下人

永平雜詠三首

有涯生是闔無涯誰識山中日月遲霜落萬峯秋爛

漫王孫歸及菊花時

猿愁鶴怨秋山冷牧老歸來寄此身還愧採芝人去  
早不觀秦楚戰爭塵

常謂山林亦有朋自慙簪組久相仍今來獨卧楓林  
下蒲谷溪聲只對僧

牛頭石二首狀如牛頭

白牛零落未何自長卧溪頭不飲溪乃佛無情誰喚  
起雪姿猶免綠苔迷

怨渠曾是三犀一到此應緣江海翻頭角未隨風浪  
沒幾多興廢獨能存



尋山

身隨野老筇三尺路抵秋空石幾盤紅樹白雲相掩  
映浪吟歸去没人看

觀打魚

槎頭網集群魚急來坐潭心石上看厨婢運刀紅縷  
細山童傳盃白醪寒

牛頭亭口號

秋晚溪亭錦葉迷卧看山月夜凄凄唯憐觸石高灘  
響伴我無眠到曉鷄

空陽

金水潭頭逢九日野人籬下採孤芳傾壺盡醉卧紅  
葉不覺空山月滿霜

有感

虛霑寵渥餘孤影自愧明時效獨醒唯有碧山終不  
負白頭歸伴小微星

樂歸賞楓

霜染崖楓樹濃動人秋色奪春紅封燒伎倆還多  
事雕却蒼屏作絨絨

贈平丘察訪

千峯秋色擁柴門童子朝掃白雲莫道新居無活



計滿林山果比封君

採人參

九莖仙草今難見五葉人形亦可餐  
應有椶雲千歲老把鑿遙劖白雲端

寄尹正郎暉

老子自無三斗膽宮壺先困醉  
仙醪人扶上馬乖初意辜負良朋遠送郊

齒碎戲題

老子風流非謝氏山中豈有擲梭人  
自凋牙齒妨餐飯煮粥還宜白屋貧

歸山

家無舊業資藜糝谷口歸耕已白頭  
滿目蕭蕭一狐兔穴買犁晨飯駕孤牛

李正長榮以敬差歷訪

誰料乘駟來谷口却教山鳥恠華簪  
幽棲簡畧休人事不掃門前落葉深

永平令來候戲題

白首來為山水宰可堪遊客本無期  
提壺野徑勞迎候翠壁澄潭入皺眉

李觀察欽哉來訪次韻二首



林下何曾來好客况君無惠句清新方舉相馬非關  
外猿鶴休憐絳服人  
青楓陰裡駐行塵鬢鬢還驚綠髮新更許明年携酒  
過武陵春樹不迷人

贈楊海屋三首

君家伯叔皆吾友最與蓬萊氣味親宿草傷心今幾  
日更驚重覩紫烟人  
馬鬣淵頭屋一間野橋人斷鶴雙還春來肯許重相  
訪酒滿窪樽花滿山  
清冷明月五峯霞風景無邊自一家未識誰能同此

樂肯來相伴看源花

答韓別坐漢來意

君平自與世相違滿壑風霜獨掩扉靜裡卧看雲變  
態緩如蒼狗又如衣

粟飯

兒煮黃粱燃落葉林間日午起炊烟何勞更憶長腰  
羨一飽終同食萬錢

感興四首

曾聞綺季安劉氏復道龐公隱鹿門料得行藏都是  
夢白雲猶自勝青雲



深山歲暮驕豺虎及鎖荆門卧看書不恨故人無一字  
我未都為寂寥居

難追隱吏同梅福不是遊山學謝公多病自成栖一  
壑玉琴黃卷閉門中

飢採山蔬堪度歲此心安處著殘生若論馬鬣無邊  
景還失人間萬石卿

余不解琴然愛琴常置座隅戲題

玉軀朱絲空倚壁主人曾未解操音誰言反愧無絃  
隻聞道虧成在鼓琴

漫興

未赴君思病在床野扉人斷雪茫茫餘生自可資  
充腹麤飯寒道味更長

蕭拜後歸永平此永辭京城時也

答思無術寸心違收得殘骸返野扉一點終南看  
漸遠西風吹淡碧羅衣

夜坐

中宵意雨崩山骨十月奔雷送燭龍萬怪紛誰作  
戲散書燈下自從容

小至二首

雷起天根玄酒淡無端無始自循環六龍捧日回南



陸萬化重新在此間

九門啓鑰千官入天樂聲高拜舞同卧病荒山遠赴  
召曉燈孤寂破窓中

天然解地理相吾卜居曰水勢貪狼法當不貪

戲題

山僧相我誅茅處水帶貪狼利厥居料得謀生從此  
足西山採藥北溪漁

寶藏山火

國養寶藏山歲久連雲合抱畫冥之克飈亦夜吹訛  
火萬谷飛灰泣百靈

五峯巖有鶴巢得免山火

燎原火似紅灰劫松櫟蕭蘭化作烟獨有五峯崖萬  
仞危巢依舊坐胎仙

感興

玉水無泥流浩浩蒼苔石上坐朝晡溪山自是容疎  
放今日何煩請鑑湖

贈海梅上人

師木手搆吾草堂

勞渠意匠葺茅椽小若鳥巢宜我居從此殘生安穩  
過可堪容得一床書

寶藏山多鹿聞其聲而賦之



九莖仙草生天外何苦相隨在此我勸汝莫鳴須遠  
去邇來頻選射聲才

三釜落

層霄崖嶠闕三釜百谷波濤爭一門風音壯觀潭有  
失落雲聲合裂重坤

白鶴潭

仙禽何意下蒼苔玉水無泥石髮香境靜未看爭飲  
啄金華應是異尸鄉

紅流洞

仙家應在山深處春到源花遠近齊不禁落紅隨水

去可憐浮世自相迷

武陵溪

秦客歸時携蓋室小橋通處是仙源蕭條萬古餘丘  
壠誰識尋真路自分

採芝園

輝三山園秀九莖一餐還見羽毛生高飛自此遊寥  
廓商綺如何容漢庭

垂釣臺

白首垂綸對翠微已栽荷葉當蓑衣還嫌尚父曾多  
事却為興周下釣磯



映碧堂

石老苔深無洒掃水光山色合青瑩更將何物添交  
映只可長携白玉瓶

落帽出

令節來時新釀熟獨尋雲石泛黃花西風吹帽無人  
笑高興還堪壓孟嘉

觀梅塢

香傳小塢雪霜天冷藥垂之隱几邊蜂蝶不來春太  
早眼渠開在百花先

賞蓮池

嚼子應傳玉井根動人香色擢泥新偏從雨露消煩  
暑翠蓋紛之漾水銀

口號

香傳紫極憂湯早向曉壇淵賽卧龍影響寂寥疑有  
否一霖何日慰三農

次李欽哉過曹雲伯故墟

黃壤已埋冰雪顏憶君唯有淚潏潏山前小屋遺墟  
在春雨年之草色閑

題石窪尊

水面盤陀蒼石背一窪何鍊自成圓堪涵綠蟻無傾



身是卷二  
覆醉後山翁又枕眠

題紫烟巖

世路交爭錐與刃不辭膏火自煎熬堪憐此老偏蕭  
索獨向空山採澗毛

贈僧二首

病隔君臣歲再終天書頻到碧羅中看渠去住如輕  
鳥還笑為僧勝作公

二隻青鞋裁為穩謝渠來贈馬洞翁曾聞海上山為  
玉者去飄飄我欲東

尹都事時忱來訪二首

風雨蕭蕭野徑微遠勞鞍馬到荆扉舍桃煮餅長腰  
並應為山翁久食薇

別後今朝成一笑滿山烟雨響飛川還慙白屋床  
漏留客終宵睡未圓

別尹都事

白茅簷下碧山隈相送殷勤意未裁門徑即今生百  
草見君歸後更誰來

贈天原上人二首

吾居西崦只鋤菜爾住北原恒飲糧聞道斫舍堪備  
歲春來俱擬種黃粟



寶藏山僻誰尋寺馬鬣風塵深獨拓窓見却中間無俗  
物碧冷處鶴雙

感興

楓岳曾聞群玉匹幾回長擬巖東奔如今幸見身無  
事卧待秋風入洞門

青鶴 俗呼黔鳥

丹味青毛雙紫脚翻來叫玉屏西何處舉世呼黔  
鳥不與鷄群啄汝泥

鑿井

籬邊鑿井絲盈斗石罅消一線連却勝雲安沽水

客一瓢長取不論錢

口號二首

半生憂患更堪論白首抽簪卧白雲招張是非何日  
定泰山毫末本難分

四顧千峯交萬壑白雲吞吐水縱橫相看日不相  
厭俗客不來門晝扃

感興二首

未赴君恩歲再終萬重山裡一衰翁此生自斷何  
論命休怪淹留守桂叢

淒淒金吹入書帷山裡幽人病起遲試問幾時看返



樸年華超忽世磷磷

李上舍久菴來訪書贈二首

落<sub>三</sub>平生誰與友堂<sub>三</sub>此志久蕭然宵中萬卷書零  
亂獨向金華弄紫烟

風虎雲龍自同氣愛君相許寸心傾  
安踰重嶺層冰滑身似青真一鳥輕  
君年已八十強健如少壯到

嶺馬困遂步踰

口號二首

歲暮蕭<sub>三</sub>風雨冷坐看搖落自相催  
衰年病肺常憊飲為惜黃花把一杯

憂覺寒鷄號漸數殘燈分翳小屏邊  
東窓欲曙猶含暝還使幽人睡再圓

白鶴二首

青田異質鸞凰侶獨整霜毛立月中  
應待主人丹竈畢許憑風翻到方蓬

萬里秋風天外客年<sub>三</sub>來住草堂西  
昂然獨立長鳴慶蒼玉屏高月滿溪

口號贈人二首

平生擬討神仙窟白髮蹉跎世故仍  
東路即今歸去便憑渠傳語正陽僧



我欲孤飛恣遠探海涵東岳玉巉巖只緣冰雪埋歸  
徑待到花明八十庵

苦寒

歲暮陰風吹殺氣高崗凍裂石虫殲茅茨紙帳人閑  
卧却勝街中冰脫髻

白鶴

東溪石上青田客皎潔仙姿鬪雪霜每與主人相偕  
宿獨聞清夜數聲長

雪馬

蒼玉屏前潭水濶清漣凍合寫銀潢孤槎直放空中

去不待鼃鼃架作梁

次韻謝金華主人

香羅絳絮雪凝輝應念牛衣活計非  
熨帖封題勞遠寄免教寒窘折綿威

雪後

幽人睡罷日昇天夜雪初晴捲曙烟  
積素茫々迷萬壑却疑身是玉華仙

題草堂

南訛帶旱增炎熇山遍燒痕水落湯  
無數火雲爭突兀尚餘陶令北窓涼



楓岳山二首

翩然又逐孤雲去五衲山頭看萬峯老罷尚堪凌絕頂每因狂態即携筇

雲根穿水深千尺鳥道通天有一門松下斷碑無歲月滄波浮世更堪論

謝黃知事廷或送蝮蟬

化恭已聞延白髮輕身因解掃玄花今朝便見承佳貺還使山翁懶種茶

入楓岳

秋風送我問群仙雨濯攢峯霽色鮮步步路由紅錦

障朝身如玉華天

萬瀑洞

玉骨霜楓看不盡絳雲零亂雪崩騰靈源更隔漁郎棹還笑秦人住武陵

摩訶衍曇無竭

嗟渠山上石無竭坐管萬峯朝白雲灰劫幾回入代變虫沙猿鶴自紛紛

正陽寺真化臺登覽萬峯

暎燭天衢渾闔白片巖鏤刻百靈無紛紛舉目徒驚倒毫末誰傳萬點尖



出長安洞

抽身今始到仙山，踏遍瓊瑤萬壘還。  
惆悵毗盧峯下水，悲鳴相送出雲關。

火龍潭

聞洪生漢仁溺于此書而投之

跳入清泠豈無意，厭歸入境沒塵埃。  
銀潢玉骨重，禪萬古騎龍獨往來。

白鶴三四雙，每於暮秋來。  
集溪上暮春間，還去因感而賦之。

白雲溪北茅簷下，天許踈慵著穩眠。  
浮世故人無一字，秋風吹送縞衣仙。

山中 在楓岳作

東討萬峯騎瘦馬，短衣輕策入禪宮。  
誰知白玉山頭客，却是青雲舊上公。

次友人韻

亂山中圻一川，流新葺青茅愛地幽。  
賴有北臺堪慰客，倚雲蒼玉裂崑丘。

送別朴大中二首

吁嗟道喪迷歸轍，汗滴泥塗驚幾聲。  
泉下古人難叫起，蠹書零落世紛々。

鷄龍崗萃窮幽討，玉洞澄灣合靜居。  
料得澆甯無異



物一盃鹿糲五車書

寒床數日與論腔山擁孤村雪映窓待到源花春爛  
熳問君重肯過溪砠

普德窠

鐵鎖周縈銅柱戴小甍紅露白雲隈香灰死久無僧  
住玉佛生苔石棧墮

題畫鶻圖

怒挾天風來萬里功成還入白雲端猶看辟易餘威  
在楓落松摧水湧湍

訪曹雲伯二首

醉睡仙家覺後疑白雲平壑月沉時脩然獨出脩林

外石逕筇音宿鳥知

青山獨訪考槃來袖拂秋霞坐石苔共醉濁醪眠月  
下鶴翻松露滴空盃

乙丑十月日聞 經筵罷有感

聖主方回萬物春殷勤前席訪元臣廟堂自有經綸  
計志士如何淚滿巾

偶吟

促漏遙鍾報五更擁衾終夜聽鷄鳴徒將歲月輸辛  
苦準擬餘生見太平



沙津賈舶 寄題許叅奉震童愚碻十景

片帆來帶海門潮  
身試鯨鯢逐利遙  
平地尚教人溺  
盡請君休更費相招

竹嶼漁燈

江暝還疑孤嶼處  
只看遙火夜猶漁  
明河漸沒寒潮  
落籃裡携歸幾箇魚

黔毛暮角

斜陽影斂遙岑外  
畫角聲飄古戍間  
散入江天催暝  
色宿雲歸盡鎖蓬山

水落晨鍾

道人無時坐招提  
火盡香灰露氣淒  
幽磬數聲雲外  
落每和殘月答村鷄

仙溪晴瀑

傳聲一注來雲杪  
閃閃青崖射亂瀑  
白練銀河徒比  
並靈源澄處有誰窮

梨峴長松

國養名山歲月長  
連雲合抱老蒼蒼  
邇來介斧多閑  
伐虎倒龍顛缺棟樑

黃巖訪古

一局碁終餘石室  
九臯禽老住巖栖  
堪嗟不見仇池



記欲討仙蹤世已迷

蒼窟尋僧

閑愛幽仙費獨尋為從西崦到東林  
香厨竹院清涼合不待談空已爽襟

深源觀鹿

豐草清泉飲齒存芟之成隊望如雲  
應知此物皆吾與誰為山虞戒掩群  
禮諸侯不掩群

神箭打魚

孰網山木包江渚潮退群鱗罄一漁  
却笑陶朱勞水蓄坐教滄海自驅魚

家園與客飲酒

迹韓山初來

二年湖海得歸遲舊種黃花有數枝  
寂寞小園秋色淡一壺留客坐題詩

湖堂口號

亂流經野入江沱滴瀝猶存檻外柯  
籬掛簑衣簷曠網望中漁屋夕陽多

鴻山宰李彥休折梅一枝畧小紙中題詩其上

在韓山作

山城急走到江干小紙新封墨未乾  
玉樹一枝詩兩句清香竒藻品題難



示姪孫輩 在韓山作

青松陰裡小亭清  
好把微言熟講明  
只恨輕風太無力  
未曾吹送讀書聲

江亭書思

白頭來卧水西亭  
雲樹蒼々隔鳳城  
夜々夢魂何處去  
淡和江月入承明

贈人

談道紛々識道稀  
可堪經訓落重圍  
知君有志終清廓  
遮莫閑人管是非

拜鵲窩

拜鵲窩裡拜鵲翁  
夜々憑窓聽業工  
衰病兩催身自遠  
千行淚洒百花中

夜坐有感

露濕花枝草帶烟  
漏聲還在紫微天  
可憐十載西城月  
強半愁中看缺圓

遊重興洞

雲林一任野僧遊  
浪走塵沙已白頭  
染翰欲題山水句  
滿城涼雨菊花秋

贈山人

一入烟霞脫萬塵  
山中幾換綠蘿春  
休糧度歲身無



肉還笑墻間乞食人

詠鵠

閑蹲喬木嘯聲寒羽翻秋末養得完  
霄漢未曾知腐鼠莫勞回首嚇祥鸞

玉河館口號

一痕寒月照愁顏歲暮燕山客未還  
曾讀聖賢書自誤却隨文面鎖烏蠻

途中見赴邊戍卒 赴京時作

北風吹淡古長城四海何時見太平  
終作蘆花沙上清香閣猶是夢中形

題二養亭壁

谷鳥時時聞一箇匡床寂寂散群書  
每憐白鶴臺前水繞出山門便帶淤

送人

聖朝廷攬重才華此別如何道路賒  
春色不歸沙塞遠只憑羌笛落梅花

礪山郡別行思上人

王程那得駐征騑愁外青山幾夕暉  
金馬古城相送處刺桐花落雨霏霏

回正上人卷中次先叔父訥齋韻二首



墨迹猶新不染埃  
筆堪扛鼎孰能排  
亂峯斜日玄江  
上一幅明珠掩淚開

明沙如雪不生埃  
霜洗群峯劍戟排  
更遣詩僧相對  
話旅懷今日十分開

送曹上舍遊頭流山

此地孤雲舊學仙  
春深青鶴百花然  
真人已去昇寥  
廓萬丈空餘石上川

遊重興洞

石徑縈回落葉漫  
叢林秋色已闌殘  
道人莫恠來遊  
晚滿壑蒼髯慰歲寒

送退溪先生

鄉心未斷若連環  
一騎今朝出漢關  
寒勒巖梅春未  
放留花應待老仙還

次韻

許退寧同賜玦環  
諸賢護送出京關  
自慙四聖  
番思春空作區區七往還

得潭陽信

朔雨濛濛獨掩門  
梨花如雪照黃昏  
此時又得宣城  
信念舊傷春倍斷魂

送許判官震童靈歸南鄉五絕



直道為心死亦安况今全命出南關春蔬自足撐腸  
具歸對蓬山無靦顏

布衣還入舊山春花發孤村白屋貧猶勝伶俜无舅  
氏空懷石慮倚風塵

朝著偶及老書生風雨還吹一葉輕自有食鮓三十  
種幸無爭奪到柴荆

世事酸辛雪滿梳浮注休更問何如南歸舊業無多  
在籬帶春潮自打魚

病隔君臣卧弊廬殘生無幾百憂餘還添俸祿思  
非分散地猶慙飽野蔬 右自叙

題永平溪石上

丹青香了浮雲外白石差了野水中休怪老夫来把  
釣向聞漁父傲三公

送尹子昂斗壽赴京二首

日下思親又戀君鴨江春水路歧分花開何處逢寒  
食天外遥瞻故國雲

燕塞風光我已諳胡山橫北海經南邊船解弄梅花  
引添得鄉愁更不堪

送尹致遠赴京

公曾以書狀官赴京故余句及之

潦盡關河霽景清塞鴻無數帶秋聲朝天更踏燕山



路鴨水長城亦舊情

送林石川赴長興二首

訥齋家住鳳山雲  
皂蓋今經洛水濱  
定識英靈猶凜  
為披秋草吊孤墳

鳳凰山下洛江流  
仙鶴朝真古屋秋  
公去未逢曾面  
目蒼藤喬木夕陽愁

湖堂路中口號

公務纔閑出郭忙  
青山如畫暮江長  
林花歷歷明幽  
逕行度春風十里香

送行思歸湖南

雲水飄然不問津  
故鄉歸去亦為賓  
江城處處梅花  
發恨未相隨者早春

自完山到錦城村庄有僧來謁書以贈之

君恩暫許到郊扉  
歸路遙瞻繞紫微  
白首華簪多病  
久綠蘿明月與心違

自湖南還渡漢江是夕風雨大作感而賦之

暮潮未惡沒青蘋  
風雨孤舟渡漢津  
多病久嬰簪組  
累滄波愁殺白頭人

送僧歸錦山

蒲袖涼風已颯然  
錦僧歸去舊山川  
聞說故鄉離亂



後只看秋草沒平田

飲屠蘇酒

釀釀椒柏散微馨世上屠蘇久著名  
飲飲一杯天下後只愁無計駐浮生

挽高判官士廉

攀桂初稱得虎臣行間空作白頭人  
鐵衣金劍隨孤櫬迢遞殘魂渡漢津

次韻題性真師詩軸

師嘗遊白頭山故及之

瘦骨青瞳老鶴身行雲心跡更誰親  
蓮花卷裡師金粟白玉峯頭問紫真

題楊照廟

鐵衣金劍已塵沙廟閉松杉噪夕鴉  
惆悵漢家飛將死胡笳頻度白狼河

無題

柳絮梨花豈是玄道非身外本昭然  
石床明月堪閑坐莫墜頑公誤有年

均師詩軸有栗谷詩感愴之餘因次其韻以贈之二首

石潭何處問仙蹤秋月流輝是舊容  
有道自期昭萬古肯爭榮辱豎時中



浮雲未去自無蹤有道還腴絕粒容已拈地花當日  
意此心空處是環中

性行詩卷中次石川韻

蕭蕭雲木擁巖扉江月流為靜者期莫向陳人勤索  
句湯休才調自能詩

題學祥詩軸

憐渠英妙透禪關終到人寰便憶山東路一筇尋舊  
隱白雲玄鶴萬峯間

送李使君碩明赴德川郡

官路蕭蕭草沒蹤  
蹊溝多瘠歲頻凶  
遙知愁對仙山

處心在烟霞第幾峯

青楓溪

楓香林合小溪邊不待秋酣已可憐  
散策幾回尋羽客綠陰隨處聽潺湲

送學祥還楓岳

讀書無補鬢先斑  
秋雨荒郊獨掩關  
一寸古心猶未折豈應隨俗解依顏

贈方文學祥比丘

人歸寥廓已千年孤鶴猶栖舊洞天  
石逕荒涼秋雨暗仙歌唯聽野僧傳



次韻

老病炎塵卧送年飄，杖錫喜彌天。台庭乞得詩  
如畫，一任禪林萬古傳。

林塘

贈洽師遊楓嶽

人事營，何太忙。是非聲裡度星霜。憐渠更向碧山  
去，手掃白雲眠石床。

夜泛大同江次歐天使希稷韻

出皇華集

潮平官渡放輕船，野寺鐘聲暝色傳。坐待九霄開皓  
月，不知孤嶼沒青烟。

德山次申觀察韻

深樹雲來欲暮天，華堂傳盞大如船。忘形不數官班  
貴，直把顛狂到曉烟。

別可獻次申觀察韻

香泉漱澗凸杯心，一盃塵勞教浩吟。驛騎明朝分袂  
後，萬重山水阻相尋。

再用前韻二首

禾黍秋風一月間，客愁唯得皺成顏。郵亭長短都無  
暇，回首空看幾點山。

風光頌畧九秋間，客路晨霜減舊顏。染盡征衣蒼翠  
色，只緣身過萬重山。



嘉平館次成天使憲韻

出皇華集

夾街松影拂雲平  
洞裡官居久著名  
水碧沙明環十里  
不知何似闕風城

奉謝丹丘子惠園果

丹丘李進士崇慶楓巖

主人號

山果秋來熟黑紅  
入林枚拾共祖公  
封題付與長鬚走  
和露和烟到洛中

次丹丘子韻

青楓門巷對溪沙  
新葉微陰雨後加  
歸去莫嫌春色晚  
暎籬唯有野棠花

李陵

以下少時作

戰士吟瘡鼓亦衰  
天山盡是犬戎旗  
低顏折膝疆庭畔  
羞殺爐烟自試時

王陵母

一劍捐生為大劉  
却教英俊向西遊  
可憐白髮居巢客  
空擲餘生事沐猴

松

霜皮虬幹閱千年  
伏兔輕黃可餌仙  
欲聽蒲空韶護韻  
直湏來立夜風前

詠松



思菴先生詩集卷之三  
五十三  
黛色參天閱幾春  
冰霜不改舊精神  
秦時在彼紅塵  
汚千古應多白鶴嗔

思菴先生詩集卷之三

五言律詩

送首陽黃牧使

又作分符吏  
天隅把客旌  
窮通皆報國  
去住自關情  
祖席青雲滿  
壺漿鶴髮迎  
寇恂朝望在  
早晚謁承明  
延曙次李涵韻

遠意空搔首  
郵亭暫解鞍  
鳥歸殘雨出  
人倚夕陽欄  
野草迷離恨  
山光笑暮顏  
自憐長作客  
塵澹素衣斑  
送韓司果漢赴京

見子工於藝  
臨池學幾年  
心輕渾脫舞  
氣壓白雲仙



一字堪華國高歌遠向燕歸來荷殊獎驚罷孟光賦

送王上人還五臺山

問汝在何處仙山之最深風塵久行脚松桂已秋陰  
杳杳還東路依依識舊岑堂名只留雙翠名月愁殺別離

心

送鄭季涵出按湖南

清標香將滿良會幾時同浮世餘權盡周行舊侶空  
野花迎問俗江月照臨戎別後三春思相愁一望中

自龍山歸永平別隣居李秀才

野老無人問相親獨有君比隣同柳在環堵對蓬門

夜汲分泉月朝耕限谷雲傷心浮世夢草草又離群

白馬江

悠悠白馬渡昔日繫龍舟故國收王氣長江滿客愁  
沙鷗飛落日漁笛下寒流欲問當時事空餘汗簡羞

清安縣二首

縣居殊冷僻客厭路歧深山厚風霜氣村稀鷄犬音  
小香蓬作髮無味菜為琛獨有池邊鶴昂然慰我心  
見客多奔走官清計自疎帖收僧舍菜曾出野渠魚  
樹老公廡小民殘里社虛若無符與印餘事等村居

郊居



疎慵拋活計歲暮寄西村  
宇落漁樵事蕭條芋栗園  
土床寒久蟄沙井酒無源  
貧苦應吾道霜道亦可吞  
謝金察訪清携酒來訪

客立柴扉外頽然長者形  
塵冠未遑掃童子走開局  
舊好回青眼新醪滿玉瓶  
醉來諧笑並殊謝慰伶俜  
送僧歸方丈二首

已斷殘生事何嫌與世違  
此心嗟久折歸夢自長飛  
雲壑寬投跡風塵乏駭機  
春歸方丈路隨汝弄烟霏  
久聞方丈勝南極獨雄雄  
鶴老危巢上泉垂積氣中  
孤飛思遠討低折已成翁  
春動神仙窟巖花又幾叢

土雨

土雨晦如霧誰知休咎原  
顛風助氣鬻清晝入黃昏  
不費埋輪手何勞填海塊  
侏儒最堪惜先抱沒身冤  
有感

戎生修舊好師老戰天威  
殺氣纏青海邊愁入紫微  
簡書催日急槍櫛悶年饑  
豈是無飛將還慙廟筭非  
送金宣川清赴任

五馬人西去孤城海北陲  
別筵春欲暮村市酒還醅  
老病情偏苦風塵見未期  
仔書循吏傳非子更論誰  
朴同知頤正挽詞



此老生無命誰知國有儒積薪憐長孺著論學潛夫  
素業諸孤弱幽居百草蕪存亡不重見淚盡望雲呼

贈洪生

生涯糠粃窄風雨葦蓬遮道氣茅君世仙姿許掾家  
讀書忘老至違世與人賒匹馬來相訪村醪愧酌柳

感興

我來今二載茅屋蔓蒼藤地僻隣山鬼門閉引野僧  
敢期鮭菜足唯愛馬洲澄坦腹松風裡渾無毒熱蒸

贈僧

地僻無隣並僧廬近我棲高詞隨問訊佳果落提攜

問法談相折看花趣自齊二年情爛熳求友愧塵泥

題山居二首

野老自無事來尋隱者居水花明几杖簷溜落龜魚  
野蔓後埋徑江風自展書憐君多道氣能向此為廬  
老病甘幽獨三看菊藥新過後渾屬盡樵牧自相親  
隱几唯山色扶筇即水濱斫畬秋已熟催釀谷佳辰

斷髮嶺

六飛曾住馭重嶺界天長俗語還多誤東巡是省方  
薜蘿通御氣猿鳥識龍章今日荒臺下孤臣淚更

榜



次友人韻

歲晚還幽討孤蹤自杳然地偏親異俗山圻看平川  
養拙衡茅下全生鳥獸邊更思浮海去同釣禹岩前

送尹子固根壽赴京

快馬蹄新鑿賢勞答 聖情腹中唯竹素身外任喧  
爭萬里如蛙步孤忠已半生應將舊時淚重上採薇

亭

齊行鴻鴈向南飛 月課

水國秋將老胡雲鴈陣驚亂呼霜月冷高拂楚天晴  
幾點雲邊字遙聞嶺外聲此時羈宦客偏起故園情

寄題金千鑑書齋

雲水橫分地茅茨靜者堂渚花春映日松雨夜鳴岡  
荷葉裁衣淨韋編度歲長從來知道少憐子志彌強

次曹取適韻二首

新剪巖邊草冥拙遂野情妙年聞道早餘事以詩鳴  
歲暮無林色宵閑有澗聲開窓山月裡襟抱自澄明  
谷口逃名處真宜養性情詩清憐石瘦境靜愛溪鳴  
戶拂寒松響簷傳暝雀聲索居堪送老窮達理曾明

題永平溪石上

老罷辭丹禁茅茨帶赤城漁樵宜野性談笑狎村氓



掃徑留雲氣燒畚費火聲何須種桃樹隨意百花明  
送南時甫彥經宰清風

官居丹洞裡路入白雲端樹影初凋葉江聲已減湍  
千峯孤月出遙夜一樓寒寂寞憑欄處幽懷與孰寬

贈天尊上人

偶穿晨霧出閑共暮禽還溪竹含霜老巖花帶雨斑  
身逸仁義外意淡水雲間愧我遊塵白空勞望碧山

次韻 少時作

天地求容膝龍江草閣開沙禽吟外閑潮信睡邊回  
猶趁陽坡養花尋小嶼栽家負催釀黍漁子共行盃

次友人韻

古屋依林靜征人為住鞍白雲晴拂戶幽鳥晝鳴欄  
澗響堪澄慮山光自破顏寂寥庭院小唯見菜花斑

送安敏學赴牙山

湖外經年別嗟君又此行獨醒人盡醉孤雛世皆驚  
海月傷心白官梅照眼明佳時須直士吾道行終亨

送李季真赴京二首

玉案新承命銀臺暫輟班遼雲迎度塞燕日引歸關  
旅夢隨魂斷鄉書待鴈還幽陵霜雪苦休遣損青顏  
江漢移仙仗燕雲啓紫微鴈山當魏闕孤塞入王畿



戈偃三邊靜恩垂四海歸榆關一痕月長照使臣衣

送南時甫赴清風

出宰蒼山遠雲蘿客路偏離愁孤鴈外秋思亂峯巔  
吏俸輸紅粟賓盤薦玉涎江樓發新咏應共政聲傳

送雪幹上人歸雙峯寺

苦憶東林月今辭下界人浮杯從此去携手更何辰  
臘雪空山路梅花古寺春相思碧雲遠惟悴在風塵

鴨綠江別行思上人

塞外勞相送途中為住鞍風塵交契少衰謝別離難  
鴨水秋波急遼山落日寒孤雲從此去遙入紫微班

退溪挽詞

神理元冥漢公胡遽至斯中天移柱石鎮國跋山基  
墜緒嗟誰繼遺編尚可窺清涼一痕月千古見襟期

感興

世事殘基闔浮生烈火煎古人俱白骨吾道任皇天  
病卧愚公谷飢吞考父饘已教幽興熟孤詠送殘年

次歐天使無題韻

使節來霄漢家山隔洞庭心隨關月苦身逐塞雲征  
幹聳千尋直金堅百鍊精暫遊東海外走卒已知名

次坐弄月軒韻



孤影邀雲漢爽氣自盈軒半壁初窺嶂圓輝忽壓烟  
雪爭銀界白鶴愧羽衣玄高興誰能會冲襟坐渺然

次登快哉亭韻

規模何日創景致此時新關塞身為客乾坤草復春  
曠懷還眺遠羈思自添聲玉節猶東去應勞望北辰

次獨坐望月軒有感韻

高榭宜清夜胡為白日來還將邀月處遂作望鄉臺  
雅意元諧賞清光豈可猜只緣無好我憎鬱不曾開

次拜箕子廟韻

東荒埋此老殷道已蕭然苔石難尋字春莎幾度年

古田阡澮浚低壠鹿麋眠客至空流涕寒醪酌小消

次迴瀾石韻

細風吹碧瀨斜照媚蒼屏仙駕滄清景幽棲是素情  
澗芳春尚早林霽晚來輕對此應多感湘潭水已生

次成天使快哉亭韻

高榭留仙躅冲襟更杳哉山橫青落檻江抱綠連杯  
督府誇滕閣漳河擅鄴臺風光俱領畧今日眼還開  
葱秀山遇雨次成天使韻

暮雨催行色丹崖未暇登仙山空縹緲謝屐阻飛騰  
碧澗聆猶爽頑雲望更憎只希旋旆日暫上翠微層



開城府次成天使韻

又入松都路年華忽半過詩情添寂寞愁髮已蹉跎  
古市遺民少青山返照多獨憐荒堞在唯有鶴來歌  
快哉亭次王天使重韻

憑高成小築風日地常明物象包千里規模闢數楹  
穴乘簷際宿天近枕邊清欲見歌蒸斷人間獨此亭

奉送東岡南彥經赴菴完山二首

重寄緣湯沐名都冠火維 廟開天日表民唱大風  
詞鳳食穴應絕牛刀割亦宜只憐垂老別秋月倍相  
思

大道嗟分裂傍門各駟馳聲聲勝人口汨汨後官知  
一曲紛爭路高才反守雌曷君松栢操亨否自關時

龍灣與鄭林塘口號

衰年寡儔侶絕域共登臨 林塘 綠漲愁江濶紅殘怕

日沉 思菴 輕舟新脫險缺月又生陰 林塘 晚泊蘆花

岸清風自滿襟 思菴







